

## La Banca Chantunala Grischuna vegn premiada sco «Best Recruiter Schweiz 2013/2014»

Cuira, ils 14 da matg 2014 – La Banca Chantunala Grischuna (BCG) survegn il premi «Best Recruiter Schweiz» per ils onns 2013/2014. Questa distincziun sa basa sin il pli grond studi da recrutaziun en Svizra cun 500 firmas examinadas. La BCG cuntanscha l'emprim rang da las 26 bancas testadas.

Suenter il sigil da qualitat «Top Arbeitgeber Schweiz» e las distincziuns da kununu.com, la plattforma per valitar collavuratur, survegn la Banca Chantunala Grischuna per l'emprima giada er il label «Best Recruiter Schweiz 2013/2014». Ins ha examinà la preschientscha da recrutaziun online, il contact cun candidatas e candidats ed analisà inserats da piazza online.

### La BCG a la testa da las bancas svizras

Il studi ha resguardà totalmain 500 firmas svizras. Tranter las 26 bancas examinadas cuntanscha la Banca Chantunala Grischuna l'emprima piazza ed en l'evaluaziun totala piazza 25. «Questa distincziun è ina cumprova per noss marketing da personal e mussa nossa pretensiun da direenziun e l'effect positiv da la marca BCG sin il martgà da lavur», sa legra Alex Villiger, manader da personal.

### Il pli grond studi davart la recrutaziun da personal

«Best Recruiters» è il pli grond studi davart la recrutaziun da personal en Svizra. El testa las interpresas tenor differents criteris structurads en in sistem da trais pitgas. En l'emprima pitga analysesch'ins la preschientscha sin paginas-web da carriera ed en il social web. Quai è oz ils chanals d'infurmaziun ils pli impurtants per candidats potenzials. En la segunda pitga vai per la qualitat, la grondezza ed il cuntegn d'infurmaziuns dals inserats da piazza online. La terza pitga metta il focus sin il contact personal cun las candidatas ed ils candidats.

La Banca Chantunala Grischuna è vegnida testada activamain cun candidaturas iniziatives per e-mail, telefon ed online. En las retschertgas ha la banca en pli persvadì cun sias cumpetenzas en la recrutaziun da collavuratur. Dapli infurmaziuns chattais Vus sut [www.gkb.ch/jobs](http://www.gkb.ch/jobs) u [www.bestrecruiters.ch](http://www.bestrecruiters.ch).

### A Vossas dumondas respunda gugent:

[alex.villiger@gkb.ch](mailto:alex.villiger@gkb.ch),

manader da personal, commember da la direenziun | +41 81 256 99 84

### Il sectur Marketing & comunicaziun As gida gugent a cuntanscher il pli svelto pussaivel Vossa persuna da contact:

As drizzai a [thom.mueller@gkb.ch](mailto:thom.mueller@gkb.ch) | +41 81 256 83 11.

chascha postala  
7002 Cuira  
Tel. +41 (0)81 256 91 11  
Fax +41 (0)81 256 99 98  
[www.gkb.ch](http://www.gkb.ch)

**Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 1'097 collavuraturas e collavuratur (stadi dals 31-12-2013). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 20,001 milliardas in gudogn brut consolidà da CHF 214,4 milliuns. Il scrit da participaziun BCG è quotà a la bursa dapi ils 10 da settember 1985.

**Termins**

Rendaquint semestril 2014:	25 da fanadur 2014
Quint annual 2014:	6 da favrer 2015
Radunanza dals participants:	28 da mars 2015